

痘後餘毒證治

萬凡痘瘡輕者其本疎其毒微其證順自然易靨無餘毒也重者其本密其毒盛其證險自難出難靨有餘毒也逆者或伏或倒陷或倒靨幸脾胃素強調治又早不至大困亦作餘毒錢氏云其病有三一者疥二者癰三者目赤以證求之尙不止此亦有出已盡發已透靨已齊者復作餘毒此由溫補之過飲食之失而得之故治痘後餘毒或補或發散或解利要在分表裏論虛實不可一槩妄投湯劑也

海癰瘡餘毒或肝虛入眼目或肺虛爲癰疥或爲癰

癰發在骨節腎之虛也發在肌肉脾之虛也或在筋
或在頭或在面或牙齒疳蝕或咽喉腫痛各隨經而
見皆毒不散蘊積而成或病人知不早治或醫者失
治遺於經絡其所由來蓋有自矣宜服解毒等劑
世痘毒攻脾則泄瀉身浮攻肝則眼生翳膜攻心則
煩躁啼哭攻腎則耳疼膿聚攻肺則咳嗽痰涎
潔若已發後有餘毒未散復有身熱瘡腫之類當茶
粉下解毒丸

丹治小兒痘瘡餘毒未散食穀太早補住毒氣

鼠粘子

陸錢

甘草

伍分

犀角

白朮

各叁錢

荊芥

防風

枳殼

各壹錢

水煎溫服

活血解毒湯

治餘毒

防風

荊芥

生地黃

赤芍藥

當歸

連翹

牛蒡子

黃連

紫草

甘草

蒼朮

薄荷

川芎

木通

各等分水煎服

癰癤此由毒氣留藏經絡故於肌肉虛處或關節動搖處紅腫而成癰又或既平之後失於解利餘毒大盛外不得洩於皮膚內不得入於臟腑聚而不去遂爲之癰如毒氣淺者止生結核腫毒瘡癰而已甚者至頭項臂脇手足肢節盡焮腫作痛但發一二處或根淺者可治若流注起伏根深蔓引者小則潰筋脫骨必爲殘廢之疾甚則綿延日久而死 丹痘癰多是實毒血熱成癰分上下用藥一日不可緩成膿必用清熱涼血爲主赤芍藥甘草節連翹桔梗之類上引用升麻葛根下引用檳榔牛膝更助以貝母忍冬

草白芷瓜蔓大便秘用大黃寒熱用芩檗此法累効

[薛]前證初起未成膿者用活命飲隔蒜灸治而消之欲成膿者用活命飲解而潰之氣血虛者八珍湯虛羸實而潰之虛而不能斂者托裏散補而斂之大

凡發熱腫痛大便秘用仙方活命飲及隔蒜灸法大便秘結用仙方活命飲加大黃大便秘已通腫痛未退再用活命飲一服用托裏散補其元氣若發熱倦怠大便秘調和用補中益氣湯

虛熱

未應亦用隔蒜灸

若潰而發熱口乾肢體倦怠用東垣聖愈湯膿水淋漓不時發熱用四君參耆若因乳母肝經血虛發熱

用加味小柴胡湯

發熱

肝脾鬱怒發熱用加味歸脾

湯

驚悸

膏粱厚味積熱用加味清胃散

齒

如專與

涼血用敗毒等藥復傷元氣必致成者不能潰潰者

不能斂矣

萬

凡治痘癰先看何經絡分氣血多

少用引經藥如太陽經羌活防風陽明經升麻白芷

少陽經柴胡少陰經獨活太陰經防風厥陰柴胡若

初紅腫硬痛者以鍼刺之口吮去惡血以拔毒膏敷

貼氣實能食大便堅者用排毒散疎利之氣虛食少

者用十宣散或流氣飲毒淺而小者只內服小柴胡

加生地黃湯外用拔毒膏貼之此治腫瘍之法也若

已成膿而未潰者以鈹鍼決去其膿勿使內潰已潰者用十全大補湯汗主之此治潰瘍之法也

仙方活命飲 治痘疔痘毒及一切瘡毒未成卽消已成卽潰此消毒敗膿止痛之聖藥

金銀花

陳皮

各叁錢

皂角刺

炒

穿山甲

用蛤粉炒

乳香

沒藥

白芷

防風

當歸

各壹錢

貝母

天花粉

甘草節

各柒分

右每服五錢酒煎嬰兒母同服爲末酒調服亦可若勢甚而邪在表者加麻黃散之而毒在內者加

大黃下之當臨證制宜此解回生起死之劑但元氣脫者不治

人參敗毒散 治餘毒癰腫

人參

赤茯苓

羌活

獨活

前胡

薄荷

柴胡

枳殼

川芎

桔梗

各等分

甘草

減半

牛蒡子

防風

荆芥

連翹

金銀花

卽荆防敗毒散

頭上加白芷升麻

上身倍加桔梗

手加薄桂

腰加杜仲 腿足加牛膝木瓜

樺皮散 治痘瘡及乳癰并一切腫毒

樺皮木剉煎溫服此藥味苦平無毒 若治乳癰
取樺皮燒存性爲末酒調服之立消

十三味敗毒散 治癰毒

當歸

白芷

穿山甲 土炒

金銀花

防風

乳香 製

甘草

陳皮

赤芍藥

皂角刺

貝母

沒藥 製

天花粉

芍藥

各等分酒水各半煎服

裏排毒散

見收

保命集木香散 治小兒癰後生瘡如神

地骨皮 壹兩

木瓜 半兩

穿山甲 炙黃參錢半

麝香 壹字

右爲末米飲下貳錢

流氣飲

川芎

當歸稍

白芍藥

防風

人參

紫蘇葉

木香

甘草節

黃耆

桂心

桔梗

雞心檳榔

白芷

厚朴

烏藥

枳殼

各肆分

右剉細水一盞煎七分服氣血虛而自利者加熟附子大便實加大黃

小柴胡加生地黃湯

柴胡

人參

黃芩

各叁兩

甘草

炙

生地黃

半夏

各貳兩湯泡七次

右爲麤末每服叁錢水一盞生薑三片棗一枚煎至半盞去渣溫服

六味活血散

治癰疽瘡痛初起紅腫不散

當歸

川芎

赤芍藥

生地黃

紅花

蘇木

各等分

右水煎量服之

五福化毒丹

治痘毒實熱腫痛

生地黃

熟地黃

天門冬

去心

麥門冬

去心

元參

各貳兩

甘草

甜硝

各叁兩

青黛

壹兩伍錢

右爲末蜜丸芡實大每服一九白湯化下

犀角消毒丸

治痘疹餘毒一切瘡毒

生地黃

荊芥

當歸

犀角屑

防風

牛蒡子杵炒

赤芍藥

連翹

桔梗各柴錢

薄荷

黃芩

甘草

右爲末蜜丸芡實大每服一九白湯化下

按化毒丹降火涼血解毒寒中之劑消毒丸清熱解毒破血之劑蓋小兒臟腑脆嫩元氣易傷况痘後氣血皆虛豈能勝當此劑若胃氣一傷則未成者不能消散已成者不能腐潰已潰者不能生肌殊不知痘瘡乃臟腑所發遍身之血皆化爲膿况

此愈而他又發乃脾胃虛怯肌肉消弱榮衛短滯所致治者審之

虛

十宣散

見形

托裏散 治痘毒元氣虛弱不能潰散未成用之自

消已成用之自潰

人參

黃耆

炒各貳錢

當歸

酒洗

白朮

陳皮

熟地黃

茯苓

芍藥

炒各壹錢伍分

甘草

炙伍分

右三五錢水煎服

托裏消毒散

治痘毒氣血虛弱不起發腐潰收斂

或發寒熱肌肉不生

人參

黃耆

當歸酒洗

川芎

芍藥炒

白朮

陳皮

茯苓各壹錢

金銀花

連翹

白芷各柒分

甘草伍分

右每服三五錢水煎

東垣聖愈湯

治膿潰心煩無寐體倦少食

熟地黃

自製者佳

生地黃

各貳分

人參

川芎

各叁分

當歸

黃耆

各伍分

右水煎服

濟生歸脾湯 治脾血虛損健忘驚悸或心氣虛不能攝血歸源以致妄行或吐血下血或因乳母心脾二經有熱瘡不結痂或瘡痕赤色加柴胡山梔卽加味歸脾湯

人參

白茯苓

黃耆

白朮

龍眼肉

當歸

遠志

酸棗仁

炒各貳錢

木香

壹錢

甘草

伍分

當歸身

壹錢

右薑棗水煎母子同服

丹溪痘瘡敷藥用貝母南星疆蠶天花粉寒水石白